



Sarajevo 11. maj 2016

Potpisan sporazum o saradnji Kid's Festivala i Umjetničke galerije BiH

U prostorima Umjetničke galerije Bosne i Hercegovine upriličeno je potpisivanje memoranduma o saradnji između Kids Festivala i Umjetničke galerije Bosne i Hercegovine.. Potpisivanju su nazočili Susanne Prahel direktorica Kids festivala i Strajo Krsmanovic, direktor UG BiH u pratnji svojih najbližih saradnika.

"Nama je prvenstveno cilj da kod najmlađe publike razvijemo afinitet za umjetnost, a to će sigurno za posljedicu imati pojavu novih umjetničkih stvaralaca u ovoj zemlji. Kada čujem pitanje zašto djeca i mladi toliko gledaju u ekrane svojih mobitela uvijek uzvratim sa kontrapitanjem šta smo im osim toga obezbjedili kao izvor fascinacije i znatiželje. Naš je zajednički cilj da ovom saradnjom djeci koja su nosici kulturnog dobra sutrašnjice približimo tokovima umjetnosti" izjavila je Prahel.

"Želimo privući što veći broj posjetitelja u našu galeriju, sa naročitim zanimanjem za mlade posjetioce, jer glavna svrha našeg postojanja jeste edukacija. Ovo je izvanredna prilika da u saradnji s Kids Festivalom dovedemo veliki broj djece i mladih ljudi i da oni saznaju gdje se nalazi Umjetnička galerija te da vide programe koje ćemo mi u toku trajanja Kids Festivala imati. Uvjeren sam da je ovo početak jedne duge saradnje i početak dobre tradicije koja će nam omogućiti da našu djecu uvedemo u svijet umjetnosti" istakao je Krsmanović.

Pod pokroviteljstvom UNESCO-a, 13. KIDS Festival biće održan od 03. do 06. juna na Trgu Alije Izetbegovića i u Domu oružanih snaga BiH.

/kraj/